


UNIVERSITY OF TORONTO



3 1761 01647040 3

Bursali, Mehmed Tahir
Müverrihin-i 'Osmaniyeden
'Ali

DR

438

.9

A6B8

فیثانی ۶۰ بارہ در

ازنیق ، اسماعیل انقره‌وی ، عبدالله بوسنه‌وی ، عبدالاحد -
النوری ، مستقیم زاده سعدالدین سلیمان نقشبندی ، غزی
زاده عبداللطیف بروسه‌وی نک تراجم احوالی جامعدر
کتابخانه اسلام جزءلری میاننده منتشردر فیثاتی آلتش
پاره‌در .

٤ — علمای عثمانیه‌دن التی ذاتک ترجمه‌ حالی : کافیه‌جی
محمد محی‌الدین ، دده جنکی ، برکوی محمد افندی ، عیشی
محمد افندی ، یوسف زاده عبدالله حلمی افندی ، محمد ابو
سعید خادمی نک تراجم احوالی شاملدر . کتابخانه اسلام
میاننده منتشردر . فیثاتی آلتش پاره‌در .

٥ — تورکلرک علوم و فنونه خده‌تلری : تاریخی بر مقدمه
ایله قوم کریم تورکدن یتیشن مشایخ مفسرین ، محدثین
فقها و متکلمین ، ادبا و شعرا ، حکما و اطبا ، ریاضیون ،
مورخین ، جغرافیون دن المشهور لرینک خلاصه تراجم
احوالیه باشلیجه اسمی مؤلفاتی حاویدر .

کتابخانه اقدام میاننده منتشردر . فیثاتی برغروشددر .



مؤلفك آثار مطبوعه سی

۱ — ترجمه حال و فضائل شیخ اکبر : شیخ اکبر
 محی الدین عربی حضرت تکرینک ترجمه حایاه فضائل عایه لری
 حقنده افاحمه حضراتی طرفلرندن یازیلان آثارک واجل
 مؤلفاتندن اولان (فصوص الحکم) شارح لرینک ارامیدنی
 و مؤلفات علیه لرندن اوچیوزم قرینک جدولنی حاویدر
 کتبخانه اسلام جزءلری میاننده منتشر در فیثاتی آلتش
 پاره در .

۲ — کبار مشایخ و علمادان اون ایکی ذاتک تراجم احوالی :
 شیخ اکبر ، شیخ صدر الدین قونوی ، عبدالرحمن بسطامی ،
 جمال خلوتی ، شیخ بالی ، صوفیه وی ، عزیز محمود هدائی ،
 نیازلی مصری ، اسماعیل حق ، قره باش ولی ، عبده
 ملاحی عشاقی ، سید مرتضی ، سید کمال الدین حریری نک
 تراجم احوالی حاکیدر . کتبخانه اسلام جزءلری میاننده
 منتشر در فیثاتی آلتش پاره در .

۳ — مشایخ عثمانیه دن سکیز ذاتک تراجم احوالی : شیخ
 شمس الدین سیراسی ، علی دوده بوسنه وی ، علی چلبی

ترجمه اولند قلمری السنه سائره	اسامی مؤلفین	اسامی کتب	ص ح
فرانسزجه یه	یکرمی سکز محمد افندی	سفارتنامه	۱۸
انکلیزجه یه	احمد مدحت افندی	دنیا یه ایکنجه کلش	۱۹
آلمانجه یه	معلم ناجی افندی	سنباله	۲۰
فرانسزجه یه	جواد پاشا	تاریخ عسکری عثمانی	۲۱
انکلیزجه یه	غازی احمد مختار پاشا	ریاض المختار	۲۲
لاتینجه یه	آیدینلی حاجی پاشا	شفاء «طبدن»	۲۳
آلمانجه یه	سیدی رئیس	محیط	۲۵
»	صبحی پاشا	عبون الاخبار { فی النقود و الآثار	۲۶
فرانسزجه یه	نابی	خیری	۲۹
»	عاکف پاشا	تبصره	۳۰
»	علاءالدین علی	هایون نامه	۳۴
آلمانجه ، انکلیزجه یه	مسیحی پرشتنه وی	دیوانه	۳۵
آلمانجه یه	آره فضلی	کل و بلبل	۳۶
انکلیزجه یه	نعیم	تاریخ عثمانی	۳۸
»	نجیب عاصم بك	تورك تاريخی	۴۰
فرانسزجه یه	کاتب چلبی	رونق السلطنة استا- { نبول تاریخی	۴۲
مجارجه یه	عالی	هفت مجلس	۴۳
ایتالیانجه یه	فردوسی طویل رومی	سلاحشور نامه	۴۴



مؤلفات عثمانیه دن آوروپا اسانلرینه ترجمه اولونان آثاردن بعضیلری :

ترجمه اولوندقلری السنه سائره	اسامی مؤلفین	اسامی کتب	نمبر
آلمانجه یه	یاووزسلطان سایم خان	دیوان	۱
ایتالیانجه ، انکلیزجه یه	خواجه سعدالدین	تاج التواریخ	۲
لاتینجه ، فرانسرجه یه	کاتب چلبی	کشف الظنون	۳
انکلیزجه یه	کاتب چلبی	تحفة الکبار فی اسفار البحار	۴
ایتالیانجه ، فرانسرجه یه	کاتب چلبی	تقویم التواریخ	۵
آلمانجه یه	باقی	دیوان	۶
لاتینجه یه	آیدینلی حاجی پاشا	تسهیل «طبدن»	۷
آلمانجه یه	سیدی رئیس	مرآة الممالک	۸
آلمانجه ، فرانسرجه یه	حسن کافی	اصول الحکم - فی النظام العالم	۹
آلمانجه یه	لطیفی	تذکره شعرا	۱۰
فرانسرجه یه	واصف	تاریخ عثمانی	۱۱
آلمانجه ، فرانسرجه یه	ابن کمال	تاریخ محاربه مهاج	۱۲
لاتینجه یه	کاتب چلبی	جهاننا	۱۳
آلمانجه یه	رسمی احمد افندی	سفارتنامه	۱۴
آلمانجه یه	رسمی احمد افندی	تاریخچه محاربه دولت علیه وروسیه	۱۵
انکلیزجه ، فرانسرجه یه	فاطمه علیه خاتم	نسوان اسلام	۱۶
فرانسرجه یه	احمد مدحت افندی	مدافعه	۱۷

غفران اولان سلاطین عظام ایله وزرا ، مشایخ ، علما ،
 شعرا و ارباب صنایعک تراجم احوالی مبین اولان مطبوع
 (کلدسته ریاض عرفان) ایله غیر مطبوع (وفیات بالذیر
 زاده) (وفیات صحاف سلیمان افندی) (روضات المفاحین)
 (کلزار عرفان) (کلزار صلحا) کبی آثارده صاحب
 ترجمهیه دائر برقید و صراحت یوقدر . اکثر ارباب تدقیقک
 افادات مؤیده لرینه کورده در سعادتده (وفا) محله سندن
 زیر که کیدن جاده نک صول طرفنده بنا کرده سی اولان
 اوفاق طاش مکتب ساحه سنده مدفوندر [۳] رحمه الله علیه .



اسمندی کی اثرینہ مراجعت بویورسونلر .

الحاصل بوعالی همت مؤلف ، زمانندی کی ترقیات
غریبه دن عثمانلیلرک ده خبردار اوالمالری لزومنی تقدیرایله-
دیکیچون اوایله بی سود حاشیه لر . بی معنا شعرلر یازمقدن
صرف نظرله جدی ، فنی نافع اثرلر تحریرینہ صرف
مقدورت ایله مشدرکه بوجهتله آثار مذکوره زمان کچدکجه
قیمتی آرتان آثار عتیقه قیلندندر .

علمای رسومدن بعضیلرینک اعتبار وتقسیمنه کوره
(علامه سعدالدین تفتازانی) دن مقدم کن علمایه متقدمین
صوکره کلنلرہ متأخرین دیندیکی معلومدر (کاتب چلبی)
مرحومده معارفندان عثمانیه آراسنده زمان اعتبارایله
خاتمه متقدمین ورئیس متأخرین عد اولونه کلشدر .

(۴۴۳) نومرولو (اقدام) جریده معتبره سنده
مرحومک ترجمه حاله دائریازیلان مقاله ده (۱۰۶۷)
ذی الحجه سنک یکرمی یدنجی جمعه ایزته سی کونی
(بروسه) ده ارتحال دارنعم ایتدیکی محرردر . بوافاده
کرچه تاریخ وفات اعتبارایله دوغرو ایسه ده مدفن جهتله
جای تردد واشتباهدر چونکه . (بروسه) ده دفین خاک

شرعی و فیه سنی مبین تورکی عبارتہ بر رسالہ نفیسہ اولوب
غیر مطبوعہ در .

۱۶ — میزان الحق فی اختیار الاحق : اساسی اعتباریله
ضروریات دینیہ دن اولمادینی خالدہ سائقہ غفلتله بہودہ
قیل و قالی موجب اولان و بوسیله اضااعہ وقتہ سبیت
ویرن مسائلک حل و حسمنہ دائر لسان اعتدال و بیطرفی
ایله یازماش تورکی عبارتہ بر اثر حکیمانہ اولوب اوج دفعہ
طبع اولونمشدر .

مؤلف بوائزینک نہایتندہ کندی ترجمہ حالی یازدینی
کبی اخلاق فاضلہ اسلامیہ دائرده بر طاقم وصایا درج
ایله مشدر کہ شایان استفادہ و امتثال بر اثر نافعدر یالکمز
بوائزک باش طرفلرندہ (اسکندریہ) کتبخانہ سنک (حضرت
عمر رضہ) ک امریلہ یاقیلدیغنه دائر اولان نقل دوغرو
دکلدر . زیرا بو کتبخانہ (حضرت عمر) دن تقریباً
(۵۰۰) سنہ اقدم (رومالیر) طرفدن یاقیلدینی حق
بی طرف و حقکو (اوروپا) مورخلری طرفندنہ تصدیق
ایدلمکده در . بوماده نک تفصیلی آرزو ایدنلر ارباب معارفدن
(محمد افندی) نامندہ بر ذاتک (اسکندریہ کتبخانہ سی)

طرزنده بر اثر نافع اولوب غير مطبوعدر .

۱۰ — رجيم الرجيم بالسین والجیم : مسائل غریبه یی

حاوی فتاوی جامع اولوب غير مطبوعدر .

۱۱ — تحفة الاخبار فی الحکم والامثال : حروف هجا

ترتیبی اوزره امثال ومحاضراته عائد اولوب غير مطبوعدر

۱۲ — تاریخ فرنگی : اسمک دلالت ایتدیکی وجهله

(ملوک خرسیانیه) تاریخ اولوب بر قسمی مطبوعدر .

۱۳ — لوامع النور فی ظلمة اطلس مینور : اطلس

مینورک تعریفاتلی و ذیللی ترجمه سی مقامنده بر جغرافیا کتانی

اولوب غير مطبوعدر . مؤلفک خط دستیله محرر اولان

نسخه سی منظور عاجزی اولمشدر .

۱۴ — قانون نامه تشریفات : مراسم قدیمه عثمانیه دن

باحث اولوب ایکی قسمه منقسم و غیر مطبوعدر .

۱۵ — الالهام المقدس من الفیض الاقدس : طلوع

الشمس من المغرب ايله اقطار قطیله ده و قتلرلی ادراک

اولونامایان صلاتک ادا وعدم اداسی (مکة مکرمه) نک

سمت قدمنه مصادف بر نقطه ده هر طرفه توجه اولوندیغی

حاله صلاتک ایفاسنک ممکن اولوب اوله مایه جنی مسائلنک جهت

(۱۱۴۵) ده کتابی طبع ایدن (ابراهیم متفرقه) طرفندن مناسب ذیللر یازلمشدر . جغرافیای قدیم عثمانی اینچون کوزهل بر مرجع اولدینی کبی باخصوص مقدمه سنده جغرافیای تاریخی و ریاضی به دائر محرر بولونان معلومات دولایسیله ده بوفک تاریخ و فلسفه سیله متوغل ذواته هر زمان مأخذ اولان آثار فاضلانه دندر . مؤلفک ، (جغرافیا) کلمه مرکبه سنی (جهانما) اسمیله نقل و قبول ایتدیکی آکلاشلیور که اصابتی آشکاردر . لایتیجه به ترجمه اولونمشدر .

۷ — جامع المتون : فنون مختلفه دن باحث اولوق شرطیله اوتوزمتن اوزره مرتب اولدینی (کشف الظنون) دن آکلاشیلان بو اثرک مولانا (علی قوشچی) نک (محبوب الحائل) نه نظیره مقامنده یازلدینی مستبان اولمقده در . طبع اولونما مشدر .

۸ — دستور العمل لاصلاح الحائل : نظامات دولت علیه به متعلق اوج فصل اوزره مرتبدر .

۹ — سلم الوصول الی طبقات الفحول : علمای عربک طبقات عنوانیله یازدقلری تراجم احوال کتابلری

بر اثر بحری اولوب محاربات بحریه عثمانیه بی [۱۰] حاکم
بواژده (تقویم التواریخ) کبی مطبوعاتک ایلک دورلرند
یعنی (۱۱۴۱) تاریخنده درسعادته طبع ایدلمش
وانکلیزجه یه ترجمه اولونمشدر .

مؤلفک بوندن باشقا (بحریه) اسمنده بر اثری ده
اولدینی (عطا) تاریخنک اوچنجی جلدی نهایتده کی
اسامی مأخذ میاننده مذکوردر .

۶ — جهاننما : تاریخ تألیفی (مرآة دنیا و مافیها اولدی
بوجهاننما) مصراعنک دلالت ایتدیکی (۱۰۵۸) اولوب
طرز جدید اوزره اسان عثمانی ده یازیلان جغرافیا
کتابلرینک اسکی فقط مقبوللرندن اولان و (۶۹۸) بیوک
صحیفه ایله تاریخ جغرافیا نظرندن قیمتی خریطه لری حاوی
بولونان بواژ ازمهرجهت معلومات نافعہ سندن دولانی
جغرافیونه الزم بر اثر مهمدر .

[۱۰] زمانمز معارفندان بحریوندن (سلیمان نطقی) و (محمد
شکری) قبودان افندیلرک (محاربات بحریه عثمانیه) و (اسفار
بحریه عثمانیه) اسملرنده کی اثرلری ده بووادیده یازیلان موجب
استفاده آثار تاریخیه دندر .

۲ — رونق السلطنة: مکمل براستانبول تاریخی [۹]
اولوب غیر مطبوعدر .

۳ — تقویم التواریخ : مؤلفک افاده سنه کورم ایکی
آیده اکمال ایله دیکی بواثر فرانسرلرک *Chronologie*
دیدکاری طرزده فهرس وقایع زمینده برائر مقبول
اولوب (شقایق نعمانیه) یه ذیل یازان (شیخی محمدافندی)
ایله (ابراهیم متفرقه) طرفلرندن تذیل ایدلمندر ،
مطبوعاتک ایلك دورلرنده متنی در سعادتده طبع اولوندینی
کبی ایتالیا مستشرقلرندن (رینالدو قارلو) طرفندن
دخی ایتالیا بنجه ترجمه وطبع اولونمشدر .

۴ — فذلکه : (۱۰۰۰) سنه سندز (۱۰۶۰) تاریخنه قدر
وقوع بولان وقایع دولت علیه بی حاکی اولوب مطبوعدر .
۵ — تحفة الکبار فی اسفار البحار : باخصوص عثمانلی
قبودانلرینه رهبر اولمق اوزره (۱۰۶۶) تاریخنده مؤلف

[۹] زمانز ارکان حربیه فضلاسنندن فریق سعادتلو
(احمد مختار پاشا) حضرتلرینک (فتح جلیل قسطنطینییه)
اسمتده کی استانبول تاریخی ده جدا قیمتلی آثار تاریخیه دندر

مع مافیه اسماری تاریخ علومده اونودلق درجه سنه
 کلن یوزلرجه مؤلفین اسلامیه ینه بو اثر نافع سایه سنده
 بیلنمکده در . برده یازیلان اسمی کتب (ابن الندیم) ک
 (فهرس العلوم) نده (طاش کوپرولوزاده) نک (مفتاح
 السعادة — موضوعات العلوم) نده اولدینی کبی علوم
 وقون تقسیماتنه نظر آدرج ایدلمه یوب دوغرودن دوغروی
 حروف هجا ترتیبی اوزره یازلدینی ایچون بر علمه برفه دائر اثر
 آرامق ایچون اول باول او اثرک اسمنی بیلهرک آرامق
 ایجاب ایدرکه بوده من وجه مشکل بر مسأله در .
 مؤلفک خط دستیله محرر اولان نسخه نک در سعادتده
 (وفا) محله سنده کی (عاطف) کتبخانه سنده اولدینی مرویدر .
 (کشف الظنون) فرانسر مستشرقلردن (هربلو)
 تک (۱۶۹۵) سنه میلادیه سنده پارسده طبع اولونان
 (کتبخانه شرقی) نام اثرینک باشلیجه ماخذندن بولندینی
 منصوب مستشرقلردن (غالان) طرفندن ده مصدق
 ایکن (هربلو) نک کتاب مذکور حقنده استخفافکارانه
 و کوبایی وقوفانه یازدینی سطرلره حقیقت فیه نامنه تأسف
 ایتمه مک قابل دکلدر .

مستشرقیندن (کوستا و فلورنسا [۸]) معرفتیه یی جلد
کبیر اوزره طبع اولوندینی کبی مؤخرآ آلمان ، انکلیز
لسانلرینه دخی ترجمه اولونه رق طبع اولونمشد . یالکز
متنی اولاً (۱۲۷۴) تاریخنده مصرده ، مؤخرآ آراباجیلر
باشی شیخی (ابراهیم رومی) نک ذیلله برابر (۱۳۱۰) ده
در سعادتده طبعنه همت ایدلمشدر .

شیخ الاسلام (عارف حکمت) بک مرحومک ناقص
بر ذیلی منظور عاجزی اولدینی کبی (ویشنه زاده محمد
عزتی) افندینکده بر مقدار الحاقاتی اولدینی مرحومک
ترجمه حالندن آکلاشلدی (کشف الظنون) ، ارباب
مطالعه و تدقیقه و تخصیص علم احوال کتبله متوغل ذواته
جداً فائده بخش بر مرجعدر . آنجق بعض مهم اثرلره
دائر تفصیلات لازمه وارسهده بو قیل آتاردن بعضلرینکده
یالکز اسملرینک یازلماسی اصحاب دقت و مطالعه نک قاعتنی
موجب اولمادینی کبی بالعکس مراقبتیه بادی اولمقدهدر .
بعض آثارک مکرر یازلماسی ده تسوید اوراق قیلندندر .

[۸] (ابن الندیم) ک (فهرست العلوم) نک طابعیده

بوذاتدر .

(۹۵۱۲) مؤلف و شارح و (۱۴۵۰۱) قدر کتاب
و شرح و حاشیه اسملرینی مبین اوله رق اک اول (حنیف
زاده [۵]) نک (آتار نو) اسمنده کی ذیلی [۶]
مصرک (جامع الازهر) کتبخانه سیله در سعادت ، شام ،
حلب کتبخانه لرندن یکر می آلتی کتبخانه نک اسامی
کتبی [۷] ۱۸۳۵ — ۱۸۵۸ سنه لری میاننده متن
عربی سیله برابر لاتین لساننه اولونان ترجمه سی جهان
مدینتک دارالطباعه سی حکمنده اولان (لایزغ) شهرنده

[۵] بو ذالله سروری قدیم ، یحیی بک ، ابراهیم رومی ،
عارف حکمت بک ، ویشنه زاده ، طاش کوپرولو زاده ، شیخی
محمد افندی ، عبدالرحمن اشرف افندی ، ابراهیم متفرقه نک
ترجمه حاللری هنوز طبعنه موفقیت حاصل اولامایان (عثمانلی
ارباب معارف) اسمنده کی اثرنا چیزک فصول عائده سنده
مذکوردر .

[۶] بو ذیل یدنجی جلدک (۹۴۵) نجی صحیفه سنندن
اعتباراً و قسمماً آراباجیلر باشی شیخی (ابراهیم رومی) نک
ذیلله برابردر .

[۷] منظور عاجزی اولان بو جلدده کی اسامی کتب اخیراً
معارف عمومیه نظارت جلیله سنک طبع ایتدیردیکی کبی تفصیلات
لازمه بی ناطق جدوللی برطرزده اولمادیقندن اول قدر موجب
استفاده دکادر .

بر وجه آتی معلومات فضیلتی عسکریه دره میرآلای بنمادی
 عزتدر اسماعیل بك افندی طرفندره عموده بویورلدردر :
 كشف الظنونه مندرج متون شروح حواشی تعلیقات دواوین
 ورسائلك مجموعی ۱۴۵۰۱ عدد اسماء كتبی حایدر . بوجهادن
 تخمیناً ایکی بك كسور عددی عربیه جیلر باشی شیخی اولوب
 ۱۱۸۷ سنه سننده وفات ایدن ابراهیم افندی طرفندن ذیلاً علاوه
 ایدلمش سه ده ۱۲۷۴ تاریخنده مصرده حین طبعنده . بلا تفریق
 ممزوجاً باصلمش و ابراهیم افندی یه منسوب بو ذیلک نسخه سی
 میدانده بولمیدی جهته مجهول قالمشدر . كشف الظنونك اخیراً
 استانبولده طبع اولنان نسخه سی مصرده مطبوع نسخه نك عینیدر .
 حنیف زاده احمد افندیك سنه ۱۲۱۷ تاریخ وفاتنه كوره
 (ائارنو) عنوانی ذیلنك اندن مؤخر اولسی لازم كلور و بونك
 مندرجاتی ایسه ۵۰۶ عدد اسمی كتبی شاملدر .
 من غیرحد و لیاقة عاجز لرینك تقریباً یكرمی دوت سنه دنبری
 (اسماء المؤلفین و آثار المصنفین) نام اوراقك جمعیله اشتعالم ائاده
 كشف الظنونه بر ذیل تحریری بعض ذوات طرفلرندن تشویق
 و توصیه بیورولدیغندن امثالاً للامر (كاتب چلی) مرحومك زماننده
 حصولی متعسر اولان ؛ سالطوما خذك اخیراً مطبوعات واسطه سیاه
 هریرده تكثیرینه بناء الله ایدیلن تواریخ و تراجم رجال و دفاتره مراجعت
 و تتبعه و جناب حتمك عون و عنایتله ختامی قوه قریبه یه كان
 و (ایضاح المكنون فی الدلیل علی كشف الظنون) ایله مسمی اثر
 ناجیزده جمع ایدیلن اسمی كتبك اون بش ببك كسور عددده
 بالغ اولدینی محتمقدر .

(الحکم فی طبقات الامم) اسمنده کی اثریدر که اولجه مصرده
 آیریجه صوکره درسعادته (شیخ شمس الدین سیواسی) نک
 منظوم (مناقب امام اعظم) ایله برابر طبع اولونمشدر .
 (عبدالرحمن افندی نک ینه بووادیده و (تذکره الحکم) دن دها
 واسع طرزده (عیون العلوم) اسمنده بر اثری دها وارسه ده
 غیر مطبوعدر .

کاتب چلبی (کشف الظنون) ی عربجه یازدیغیچون
 (ترک ترک علوم وفنونه خدمتلی) اسمنده کی اثر ناچیزانه مک
 مقدمه سنده بسط و سرد ایتدیکم نظریه دولایسیله فرانسه
 مشاهیر مستشرقیندن (کوستاولوبون) (عرب مدینتی)
 نامیله یازدینی اثرده چلبی مرحومی (عرب مورخینی) میاننده
 ذکر ایله مشدر . صحیفه (۴۸۷)



❦ آثاری ❦

۱ — كشف الظنون عن اسامی الكتب والفنون :
فرانسزلرك *Bibliographie* دیدكلری (علم احوال
كتب [۴]) . دائر یازیلان آثار عثمانیه نك ایكنجیسی
اولوب یكرمی سنه لك برسی واجتهاد نمره سی اوله رق
وجوده كلن بواثر اوچیوز قدر علوم وفنونك موضوعات
وغایاتی حقنده شـوللی تعریفات ومعلومات لازمه یی
حاوی در باخصوص مقدمه ده کی تفصیلات وتعریفات
بالعموم ارباب مطالعه یه جداً استفاده بخشد .

[۴] عثمانلی مؤلفلری طرفندن علم احوال كتبه دائر یازیلان
آثارك باشلیجه لر ی :

۱ — طاش كوپرولو زاده نك (موضوعات العلوم)
اسمنده کی اثر مشهوریدر كه اخیراً (اقدام) مطبعه سی همته یه
ایکی جلد اوزره طبع اولوندی .

۲ — تعریفی صنده بولوندیغیز (كشف الظنون عن
اسامی الكتب والفنون)

۳ — (۱۱۶۱) تاریخنده در سعادتده وفات ایدن
قضاتدن مرزیفونلی (عبدالرحمن اشرف) افندی نك تذكرة .

(رحم الرحيم بالسین والجم) یازیلوب کتابخانه ده بولان
 اوچیوز جلد قدر مجموعه لردن فهرسه چکلان درت بیک
 قدر رساله فوایدنی انتخاب مصلحتنه شروع اولندی .
 وایکی قطعه ده نیجه مجموعه االی یازلدی . و برقطعه ده
 (تواریخ و طبقات نوادری) و (لطائف نکارستان غفاری)
 کبی جمع اولوب اختصار اوزره یازلدی . (۱۰۶۶) ده
 دو نما احوالی انکساری باعث اولوب قبودانلرک دریا جنکلی
 و سفرلری و بعض ترسانه و دریا احوالی (تحفة الکبار)
 ده یازیلوب (۱۰۶۷) صفرنده بورساله تحریر اولندی
 و بوزمانه کانیجه هفته ده برایکی کون امر معاش خصوص صیچون
 قلمه واریلوب باقی اوقاتی مذاکره و مطالعه و تحریره صرف
 ایلک نعمتی میسر اولدی . امیددر که بوندن صکره بیه
 عمر بوحالیه کچه



والفنون) نامی قونوب سابقا مسوده سین کورن علما بیاضی رجا
ایتد کلرینه بناءً حرف حایه وارنجه جلد اولی بیاض و علماء عصره
عرض اولنشدی . پسند و تحسین ایتدیلر سابقا جغرافیا ده
(جهان نما) نام بر کتاب جمعنه شروع اولنشدی . ممالك
نصارا کتب اسلامیه ده یازلما غله فرنکی (اطلس ماجور)
رسملری آلتوب ترجمه سی ارزو اولندی . سابقا فرانسه
زاهیلرندن اسلامه کلن (شیخ محمد اخلاصی) لاتین
دیلمده ماهر اولمغله (اطلس مینور) بر یحقوق سنه ده ترجمه
اولنوب اسمنه (لوامع النور) دنیای بیعده (جهان نما)
بیاضنه شروع اولندی . و بر فرنکی تاریخ دخی ترجمه اولنوب
ملوک نصارا تاریخیچیدر . و (رواق السلطنه) نام (قسطنطنیه)
تاریخی دخی ترجمه اولنوب و فذلکک مک مفصل سنه او زره
ترجمه سی جسته جسته یازیلوب (بهائی افندی) مرحوم
شیخ الاسلام ایکن اوچ مسئله غریبه استفتا اولنوب جواب
صادر اولما غله بر رساله ده شرع اولندی . و دولتک
نظامی خصوصنده (دستور العمل) نام بر رساله یازلدی .
(۱۰۶۴) و (۱۰۶۵) ده (قانون نامه) و مفتیلر خطنده
مسائل غریبه نی مفصل فتوالری نقل و جمعی متضمن .

علوم غریبه کتابلری مطالعه اولنوب طلبه طب و ریاضیات
 و حکمت درس لرین او قورلردی . نجومده سی فصل
 واسطرلابده بیست باب رساله لرین و چغمنی شرحی قاضی
 زاده رومی درسنی و فتحیه علی قوشچی دن دفعاتله او قودیلر .
 (۱۰۶۱) ده و (۱۰۶۲) ده (سلم الوصول الی طبقات
 النحول) نام طبقاتمزمک اول جلدی حرف تایه وارنجه ،
 بیاض اولندی کتاب مزبورده اولین و آخرین کباری
 توارینخی یازلمشدر (۱۰۶۳) ده محاضرات ماده لرین حروف
 اوزره ترتیبده (تحفه الاخبار فی الحکم والامثال والاشعار)
 نامیله حرف جیمه وارنجه بیاض اولندی . واسامی کتب
 بو زمانه کلنجه کوریلوب مطالعه اولنان توارینخ و طبقات
 کتابلرندن محللرینه نقلدن غیری بشخصه الدن کچن
 کتاب خانه لریک نیجه بیک جلد کتابی ویکرمی سنه دنبرو
 صحا فلر آقیدوب کتوردیکی کتب جمله یرلرینه یازیلوب
 موضوعات علوم کتابلرنده مسطور اولان اوچیوزدن
 زیاده فن دخی حروف ترتیبه محله نقل اولندی . نیجه
 مباحث و مسائل غریبه یازلدیکه آنکله جمله علوم و کتبه
 علم اجمالی حاصل اوله . و بو که (کشف الظنون عن اسامی الکتب

مرغوبدم یازیلوب ایکی آیده اتمامه ایریجک (۱۰۵۸)
 او اخرنده شیخ الاسلام (عبدالرحیم افندی) وزیر اعظم
 (قوجه محمد پاشا) یه کوندروب (بونک چوق مرتبه یه
 استحقاقی وارد . نهایت دنیا خصوصنده دون همتدر .
 منصب وجاه استمز . طریقنده مصلحتی نه ایسه اصالاترد
 اولنمیوب کوریله) دیوتنیه ایتشدی . زیرا مرحومک
 درسنه حاضر اولوب بعض مصاحبت علمیه ایدوب رساله
 ویرمش ایدم . تمام مرتبه قدرمی بیلوب کاهی دعوت
 وتواریخه متعلق امورده مشورت ایدردی . تواریخه
 مراجعت بابنده فقیر ایله اکتفا ایتشدی . پاشای مزبوره
 فقیرک طرف خلافتده اولان اشقیا بذل مال وخلاف انها
 ایله رد بابنده چوق عمللر وسعیلر ایتشردی . مخالفته
 قادر اولمیوب اختیار اولسان ایکنجی خلیفه لکه رؤس
 ویردی . علمک وتوجهک برکتی آنلرک مالنه غالب
 کلدی چوق کچمیوب اول محذوللر برباد اولدیلر . کفاف
 ومعاش بابنده مدار اولمغه بو مقدار ایله اکتفا اولنوب
 دخی زیاده سنی طاب حکمته موافق اولماقله فراغت وبو
 مرتبه ایله قناعت اولی کورلدی . (۱۰۵۹) ده و (۱۰۶۰)

اصلاح مزاج و علاج ایچون علم طبه اشتغال اولندی .
 اسباب روحانیه ایله مداوات ایچون علم حروف واسما
 و خواص کتابلری کوریلوب مزاجیه اعتدال کلدی .
 (۵۷) حدودنده آق حصاری احمد رومی اوغلی مولانا
 محمد که قوابل عصر دن ایدی . فقیر خانه قربنده ساکن
 اولوب ریاضیات درس لرینه مداومت ایلدی . هند سه ده
 شرح اشکال و حساب ده علی قوشچی محمدیه سنی اوقیوب
 زیچدن دستور تقویم استخراجی قاعده سنی کوردی فنک
 مشکلاتی نظر نده بدیهی درجه سنده ایدی . طالب مزبور
 رجاسیله اول زمان محمدیه یه نصفه وارنجه بر شرح ممزوج
 یازم شدم . فرط ذکا و هلك اولدینی آند و ولد فقیر ده
 مشاهده اولوب ایکیمی دخی وفات ایتدی لر شرح مزبور
 حالی اوزره قالب بیاضنه ذهن توجه ایتدی . مزبور دن
 صکره بش اون طالب محمدیه درسین اوقیوب شرحی
 تکمیل رجا ایتدی لر . استعداد لری اول مرتبه اولما غله شوق
 و همه فتور کلدی . عزات و انقطاع زمانی انتهایه قریب
 اولوب سابقا یازیلن (فذلکه) نك فهرسی مقامنده اولان
 (تقویم التواریخ) ترکی و فارسی ملمع و مجندول بر طرز

خارقی رسمی نیجه اولور واول وادیده یازیلوب جزریان
رسائل ندر بالتمام کورلدی بوائثاده سلوک اولنان طریق
مقتضاسنجه مقابله باش خلیفه سیله نزاع واقع اولوب سلفده
(یکرمی سنه خدمتله خلیفه لکه نوبت اوله کلسدر .
بحسب الطریق بزه نوبت یوقیدر) دینلکده قید حیات
دعواسنه یاپیشمق فی امان اه دیو عزالت سمتنه کیدلمشیدی .
بو خصوص تحصیل موافق دوشوب شغل جانن تأیید ایلدی .
اوچ سنه قدر زمان عزالت و انزواده تحریر و افغاده به مشغول
اولوب بوزمانه کلنججه اعرج افدی مرحومدن اصولده
نصفه نده شرح عضد و شرح اشکال تأسیس و شرح چغمینی
و عروض اندلسی اوقیوب زیج الوغ بیکدن دستور تقویم
استخراجنی کوروب سابقا تفسیرده توضیح و اصفهانی و قاضی
میر و آداب بحث و فناری و شرح تهذیب و شمسیه درس لرین
استماع ایلشیدم . اول آرا القده طاب لر صرف مقدماتی و منطقده
فناری و شرح شمسیه و جامی مختصر و فرائض و ملتقی و درر
درس لرین اوقیوب کیمی اتمام ایتدی . قاضی میر و شرح مقاصد
امور عامه سنی اوقودیلر . بوائثاده مزاجه انحراف کلوب

بواشاده شیخ زاده ایله تفسیر قاضی مزوج صدر الشریعه نیک
 قره کمالی طرز زنده یازمغله باشلندوغنده کونده برر صحیفه
 یازیلور ایدی (۱۰۵۳) و (۱۰۵۴) سنه لری دخی درس لر
 مداومت و شغله کچدی . اون سنه قدر زمان کیجه و کوندوز
 اشتغال ایدوب یحد کتب کورمک و اکثر فنونی تتبع ایتمک
 میسر اولدی . (کاهی بر کتاب کورمکه شوق دوشوب
 فروب شمسدن طلوعه دک شمعه یتاردی کلال و ملال
 کلز ایدی اون سنه یه قریب زمانده طلبه کلوب استفاده
 ایدر اولدی لر) اولاً مقدمات فنون درس لرین اوقودیلر
 مرحوم یحیی افندی (درس دیر میسکز و حاشیه لر مطالعه
 ایدر میسکز) دیر ایدی . فقیر دخی (درس اوقور لر لکن
 حاشیه التزامی نادر اولور) دیر ایدم . زیرا آداب فقیر
 هر کثرته جانب وحدتدن دخول و احاطه کلیات ایله ضبط
 اصول ایدی . جزئیاتله تقید و جربزه سمتہ التفات
 تضییع اوقات اولمق اوزره قرار ویرمیش ایدی . (یک قله
 قناعتہ علو همت رضا ویرمدی . (۱۰۵۵) ده کرید
 سفری ظهور ایلدی اول تقریر کره زمین و دریا و قره
 رسومنه سلفده اولان میل طبیعی حسبی ایله اقبال اولنوب

(سلمانیه دبس عامی کچی محمد افندی) مرحوم درسری
 استماع اولندی . (عبداء افندی) علوم عقلیه و نقلیه ده
 اهل ایدی . (محمد افندی) عربیده تدقیق و تحقیق صاحبی
 اولوب معقولاته اوغرادچقه (بزم بیلدوگمز دکل بلور
 واریسه سویلسون) دیوانصاف ایدردی . (قاضی زاده)
 کبی بیلمدوگنی ذم وردایتز ایدی . ۱۰۵۰ ده (سهرانی
 احمد حیدر شا کردی ولی افندی) کلوب منطق و معانی
 و بیان فنی آنوکه مذاکره اولندی . ۱۰۵۱ ده کتب
 توارینک یازدوغی یوز اللی قدر دولت ملوکی (فذلکه)
 نام بردفترده تلخیص اولوب شیخ الاسلام مرحوم
 (یحیی افندی) برنسخه سنی طرف سلطنته ارسال ایچون
 بیاض ایلک دیدی . تقید اولمادی . (۱۰۵۲) ده
 واعظ (ولی افندی) مرحومدن اتصال سند مصلحتی
 ایچون (نجه والقیه) درسنه شروع اولوب ایکی سنه ده
 اصول حدیث فنی تمام کورلادی . مرحوم مزبور دخی
 مصرده (شیخ ابراهیم لقانی) مرحومدن اخذ ایتیش
 ایدی . آنلرک سندی ایله (حضرت رسول اکرم
 صلیا علیه وسلمه) بوفقیرک سندی متصل اولدی

وسهوات اسباب میسر اولدی . تیسر الهی ایله تحصیل
فنون سمتی مسخر اولوب میل طبعی به انتظام امر معاش
امداد ایتمکین آرزمانده چوق مسافه ومنزل آلدی .
مبلغ میرانک اوچ یوک آچمه قدرنی کتابه ویروب وباقیسیله
تجدید منزل وتدبیر لوازم تأهل ایدوب وفصله سنی سرمایۀ
معاش ومدار اسباب انتعاش قیلوب ۱۰۴۸ ده (سلطان
مراد خان) فتح بغداده روانه اولدقده عزیمت سابقه
اوزره سفردن قطع نظر اولوب شغل عذر یله قالمش
ایدی . اول زمانده فضل واحاطه ایله مشهور اعرج
(مصطفی افندی) قضادن فارغ اولوب طریق تدریسه
هوس ایتمکله درس دیمکه باشلامش ایدی . تفسیر بیضاوی
اولندن درسنی استماعه حاضر اولوب معقولات ومنقولاتده
سائر کوردیکم ودرس لرینه حاضر اولدیم علمادن زیاده
کثرت معلومات واحاطه صاعی بولوب مرحومی استاد
اتخاذ ایتدم . آنلر دخی فقیری سائر طلبه کبی کورمیوب
کمال توجه اوزره ایدی آراده انس والفت حاصل اولوب
نیجه بیللر استفاده وصحبت اولمش ایدی . (۱۰۴۹) ده
آیا صوفیه درس عامی (کردعبده افندی) و (۱۰۵۰) ده

مراد خان (ايله) (روان) سفرين سفرليوب ۱۰۴۵ ده
 دونوب درونی صدقه نیت و بو وجهله تصحيح توجه
 وعزیمت اولنديکه اون ییل قدر زمان اوقات سفر
 وحرکتده کچوب نیجه جنککلر ووقمه لر کوریلوب حج
 وغزا مصلحتی تمام اولدی . (رجعتنا من الجهاد الاصغر
 الى جهاد الاكبر) فحواسی اوزره من بعد راه طلبده تبعه نفس
 نفیس توطین و علم شریف تحصیلنه بقیه عمر عزیز تعیین
 اولوب رزق مقدر اسباب علمه خرج و صرف اولنمق
 مقرر قلندی . بونیتله استانبوله کلدکده حلبده اقامت
 اثناسنده صحاف دکاننک کتابلری کوریلوب الهام آشی
 ايله اسامی کتب تحریرینه شروع اولندی استانبوله کلوب
 علی طریق الارث بر آ ز مال انتقال ایلد کده میراث مالی
 کتابة ویریلوب حرص عظیم ايله اشتغاله شروع اولندی .
 ۱۰۴۶ ده اول کتابلره مطالعه میسر اولوب میل طبیعی
 حسیله تواریح و طبقات ووفیات کتابلرین تتبع خوش
 کلور ایدی . (۱۰۴۷) ده کیر و اقربادن برمالدار
 تاجر وفات و مالندن برقاچ یوک آچقه انتقال
 ایدوب صدق عزیمت و خلوص طویت بر کتيله فتح باب

کلام فلسفه فلسه د کرمی
آکا صراف کیس باش اکرمی

مصرع

منطقیلر اولور ایسه غم د کل

دیو بونلرک امثالی سوزلری (المرء عدو لما جهل)
فخواسنجه ضرب مثل ایدردی خلق عالم ایله بر قاج
مسئله ده کشاکشی سبب اولوب وافر کتب کورمشیدی.
اکثر کندی دعواسنه موافق مسائلی خاطرینه آلوب
استحضار ایدر و محلنده سویلردی. فقیر بوندن اقدام
نیجه سنی حد اعتدال سمته ارشاد ایلوب اول قیددن
خلاص ایچون حالا بو مختصری دخی قلمه کتیردم
(۱۰۴۳) ده وزیر اعظم (محمد پاشا) سردار اولوب
عسکر حلب قشلاسنه کیتمکله حبیب شریف نیتنه تکرار
غمره چیقوب حلبدن حجازه سفری میسر اولدی. اداء
حبیب وزیر اتدن صکره اردوی همایون دیار بکرده ایکن
کلوب اول قیش شهرده بعض علما ایله صحبت و استفاده یه
اقبال و رغبت اولندی. ۱۰۴۴ ده مرحوم (سلطان

اوغرا دی . مرحوم منتظم الکلام اولوب ، مؤثر سوزلر
 سویلر وایشیدن البته وعظی دیکلر ایدی . اکثر سوزی
 خاقی علم شریف تحصیلنه ترغیبه متعلق وجهلدن نجاته
 سہی ایچون تحریص اولوب اول حینده کویا که زمام خاطری
 اله آلوب و شغل و تحصیل سمتنه جذب ایدوب کتوردی
 کیتدی . والد مرحومک وصیتی دخی بو خصوص اولغله
 اول کوریلن مقدمات علوم آلیه یی تکرار اعاده یه شروع
 ایلیوب آ ز زمانده اعراب و ترکیب ملکه سنه مالک اولدی
 و شیخ مزبورک درس خانه سنه واروب (خسرو پاشا)
 سفره کیدنجه وعظنی و درسنی دیکله دی . (۱۰۳۹) ده
 همدان و بغداد سفرینی سفر ایوب (۱۰۴۱) ده کیرو
 استانبوله کلوب شیخ مزبور درسنه ملازمت ایلدی .
 مرحوم درسندہ تفسیر و احیاء علوم و شریح موافق
 و درر و طریقت او قودوردی . اکثر درسی قشریجه
 بسیط ایدی . زیرا معقولات سمتی ایله آشالق ایلیوب
 تفسیرده اول نملره متعلق محل کادکده قاضی بو آ راده
 فلسفیاک ایدر ایدی .

کاتب چلبی

تحدیث نعمت بودر که بورسالة نك محمري مصطفى
 ابن عبدالله الشهير بحاجي خليفه [۳] که علما بيننده
 کاتب چلبی ديمکله مشهور در . بلده قسطنطنيه ده تولد
 ايدوب والدي عسکریدن اولمغه قانون اوزره اول زمربه
 کچوب طالع وکوکب منسوباتی حکميه او قومق يازمق
 صنعته ميل ايلدي . (۱۰۳۲) تاريخنده آناطولی
 محاسبه سی قلمنه شا کرد اولوب (۱۰۳۳) ده (ترجمان)
 سفرينه کيتدی . (۱۰۳۵) ده بغداده سفر ايدوب
 باش مقابله ده شا کرد اولدي فن کتابت و حساب و سياقه
 متعلق مشکل عدایه کلامی بدیهی قمانده کورینوردی .
 (۱۰۳۶) و (۱۰۳۷) ده ارضروم محاصره بنده
 بولنوب (۱۰۳۸) ده عسکر اسلامه استانبوله کادی .
 سابق الذکر مرحوم قاضی زاده افندینک اشتهاری زمانی
 اولمغه برکون کچرکن سلطان محمد جامعنده وعظنه

[۳] آوروپالیر میاننده بونک غلغلی اوله رق (حاجی قالفا)

شهرتیه بنامدر .

دم عیسی ایله مردم (عالی)
حضرت اول که ایدملر آدکی یاد

کرچه عمرک غم ایله کچمشدر
ایله دک روحکی آخرهله شاد



کنه الاخبار مقدمه سنده کی بر منظومه سی:

ای پسر اولمز اوغولدر آبی آد
زاده طبعك آنکله همزاد

بکر فکر آنلر ایله همشیره
دایه در خاطرهُ طرفه نهاد

غالبا محبره بستاننده
شیرنا یخته مثال اولدی مداد

بن ابوالفضل دوات ام کمال
خامه بر آلت فرخنده نژاد

عالم علمه نفوس اولدی نقوش
یازدی لر صفحه سطورنده سواد

دیزیلوب جند معانی صف صف
دوزر آلاخی عرفان فؤاد

تیغ الهامله فتح اولمده در
قلعه لر کبی فیوضات مواد

دیدیکک عالمه نسبت اما
شیء دکلدر فلک بی بنیاد

- ٢٩ — مرآة العوالم : خلقت عوالمه دأثر بر تاریخچه اولوب
مطبوعه در بعض مسروداتی اسرائیلیات قیلندندر .
- ٣٠ — الخالات القاهرة من العادات الطاهرة في بيان اجمال
احوال مصر القاهرة :
- ٣١ — روضة عرفان :
- ٣٢ — رياض الرحمة :
- ٣٣ — درر منثوره :
- ٣٤ — مشكات :
- ٣٥ — معایب الارازل :
- ٣٦ — قواعد المجالس واداب المجالس : اسمك دلاقی
وجهه ادا ب مصاحبه و مجالسه دن باحث اولوب (٩٩٥)
ده (کلبولو) ده تحریر ایله مشدر .
- ٣٧ — نزهت نامه :
- ٣٨ — بدایع المطالع :
- ٣٩ — مسالك الممالك :
- ٤٠ — خلاصة احوال در لطافت مواضع مواظ صیحح -
المأل : طوائف بشریه دن اون بر صنفك خلاصة احوال
ونتايج اعمالی مبین تورکجه بر ترجیع بنددر .

- ۱۹ — نوادر المحارب : قونیة و قوع بولان
محارباتدن باحث اولوب (شهنامة) طرزنده در .
- ۲۰ — بحر نصایح : بعض علاوات ایله فارسیدن
ترجم اون بش باب اوزره مرتب اولوب یازمه برنسخه سی
(مناستر) کتبخانه سنده وارد در .
- ۲۱ — کتاب النصیحه : (عبدالرحمن شیرازی) نک
جماله آزارندن اولان بوائری بعض الحاقات ایله ترجمه
ایله مشدر .
- ۲۲ — دیوان فارسی : اسلوب معروف اوزره
بردیواندر .
- ۲۳ : فصول حل و عقد و اصول خرج و نقد :
اساساً علم اقتصاد قسماً تاریخچه عائددر .
- ۲۴ — مرقات الجهاد : ملک دانشمند احمد ایله
اولادینک احوال تاریخچه لرینی حاکیدر .
- ۲۵ — کنز الاخبار و لاقح الافکار : تاریخچه متعلقدر .
- ۲۶ — مهر و وفا : یدی بیک بیتلی بر منظومه در .
- ۲۷ — محاسن الادب : تاریخچه متعلق مختصر بر اثر در .
- ۲۸ — نصرت نامه : لالا مصطفی پاشانک غنر الرینی حاکیدر

۱۵ — حلیۃ الرجال فی الاقطاب والنجباء والابدال : مراتب معنویه اصحابی اولان رجال اللہک احوال ومقاماتی مبین اولوب اکثریتی اعتباریلہ عارف خدا (خواجہ پارسا) نک فارسی عبارتہ مشہور (فصل الخطاب) نام کتاب مستطاب .
بندن مترجم و اوچ باب اوزرہ مرتبدر .

۱۶ — زبدۃ التواریخ : قرق جزؤ قدر اولوب علامہ (قاضی عضد) ک (اشراق التواریخ [۲]) نک ترجمہ سی ایسہ دہ برخیلی علاواتی دہ واردر .

۱۷ — مناقب ہنروران : اوچوز قدر خطاط ، مجلد ، نقاش ، رسام ک تراجم احوالندن باحث اولوب (بغداد) دفتر داری ایکن خطاط مشہور (قطب الدین) ک توصیہ سی اوزرینہ یازمشدر ، علم تاریخک تراجم احوال شعبہ سندن مقبول بر اثر ایسہ دہ ہر نہ دنسہ مختصر یازمشدر .

۱۸ — نوادر الحکم : علم محضرانہ عائد اولوب برطاقم امثال وحکمیاتی جامعدر . (سلطان مراد ثالث) حضر تلرینہ تقدیم ایلہ یوب مکافاة (جدہ) متصرفی اولدی .

[۲] ۸۳۳ دہ (لارندہ) دہ وفات ایدن فحول علمای عثمانیہ دن (قرہ یعقوب) کدہ بواسطہ برتاریخی واردر .

- ۵ — روضة اللطائف : اوج بيك بيتلى لطائف و اخلاقه متعلقدر .
- ۶ — رياض السالكين : تصوف و اخلاقدن باحثدر .
- ۷ — انيس القلوب :
- ۸ — صدقسه :
- ۹ — صدحه :
- ۱۰ — راحة النفوس : طب عتيقه دائر اولوب علامه روم (ابن كمال) ك (رجوع الشيخ الى صباه) رساله سنك ترجمه سيدر .
- ۱۱ — هفت مجلس : (سلطان سليمان قانونى) نك آخر سفرى اولان (سكتوار) [۱] سفرينى ميين بر تاريخچه اولوب اخيراً (اقدام) مطبعه سى همته طبع اولونمشدر .
- ۱۲ — جامع البحور : شهرزادكانك ختان جمعيتلرني منصوردر .
- ۱۳ — تحفة الصلحاء : حجة الاسلام (امام غزالي) نك مشهور (ايها الولد) رساله سنك ترجمه سيدر .
- ۱۴ — منشأ الانشا : بش فصل اوزره مرتب اولوب مكاتيب مختلفه يي حاويدر .

[۱] ۹۸۵ سنه سنده در سعادته ارتحال ايدن (واردار يكيجه) لى (آكهى) مخلصلى شاعر (قاضى منصور) كده (تاريخ غزوة سكتوار) اسمنده بر اثر منظومى واردر .

زمانی وقایعی ده مورخك شانہ لایق بر صورتہ مصور سہ دہ
تقلیات ضعیفہ سی یعنی خرافاتی آکدیرر افاداتی دہ وارد
بونکہ برابر زمانہ قدر یازیلان تواریخ عمومیه مزك
برنجیلر ننددر ۱۲۷۷ تاریخ دہ درت جلد او زره طبعہ ہمت
بویورلمش سہ دہ تقریباً ایکی جلد قدر اولوب اکثریتی اعتباریلہ
تراجم احوال دن باحث اولان دیگر جلدلرک ہر ناصیل سہ
طبعہ ہمت اولونما مشدر .

۲ — تحفة العشاق : (امیر خسرو دہلوی) نک
آثار عارفانہ سندن اولان (مطلع الانوار) . نظیرہ
طرز ندہ در .

۳ — مہر و ماہ : (سلطان سلیم ثانی) حضرت تلیزینہ
تقدیمہ ایدلمش نعوت وقصائدی مبین بر منظومہ شاعرانہ در .

۴ — واردات الانیقہ ولایحات الحقیقہ : ایکسی دہ
مرتب تورکجہ دیواندر . مؤخرآ بودیوانلردن یوزر
غزل انتخاب ایدوب (صدکھر) نامیلہ مستقل بر اثر وجودہ
کتیرمش وبوکا مقدمہ اولہرق (۲۶۳) بیتدن عبارت
یازدینی مقدمہ منظومہ دہ کندی ترجمہ حالندن ، منظوم منشور
آثارینک موضوعاتندن بحث ایتمشدر .

آثاری

۱ — کنه الاخبار : خلقت آدمدن اعتباراً اکری فاتحی (سلطان محمد خان ثالث) دورینه قدر بر تاریخ عمومی اولوب بروجہ آتی دوت رکن یعنی جلد او زینہ مرتبدر رکن اول — خلقت عالم و آدمدن خاتم الانبیا حضرت (محمد مصطفی) افندمر حضرتلرینہ قدر اولان وقایع انبیا و سائرہ بی

رکن ثانی — ظهور اسلام و اوصاف مفخر الانامدن بدأ ایدہ رک خلفای راشدین امویہ ، عباسیہ احوالیہ مشایخ ، علما ، شعرا ، حکمانک تراجم احوالی .

رکن ثالث — تورک و تاتار اقوامنک احوال تاریخیہ لرینی رکن رابع — دولت علیہ عثمانیہ ایله همجواری بولوبان اقوامدن بعضیلرینک احوالی مبین در جلد اولک مقدمہ سندہ مبسوط تفصیلاتدن و مأخذ اولہرق اسملری مذکور اسمی مؤلفاتدن آکلاشلدیغی اوزره بواثرک یوزلرجه آثارہ مراجعتلہ میدانہ کلدیکی آکلاشیلور عبارہ سی ؛ زمانی کتابتنہ کورہ سلاستلہ محررکندینک ادراک ایلیہ دیکی

حال ایله مکه برابر (خیر الناس من یفیع الناس) دستور قویم
پیغمبر یسینه تبعاً ابنای جنسینه ابدال معاونت و ابراز
خدمات ایله مک لزومنی بالوجوه تقدیر ایتدیکی آ ناردن
تخصیص اخلاقه عاڈلرینک مطالعه سندن مستفیان
اولمقدمه در .



(۵۸) یاشنده اولدینی حالده (۱۰۰۸) تارینخده عالم فانیدن
رحلت ایتدی . رحمة الله علیه

مرحومك آثاری مطالعه سندن استنباط ایده بیلدیکم
نتایجك خلاصه سی بر وجه آتیدر : لسان و ادبیات
اعتباریله عربی ، فارسی ، تورکی لسانلرنده حتی انشاد
نظمه بیله مقتدر بولوندینی و بو جهتله بو اوج لسان
ادبیاتنه واقف اولدینی آکلاشلمقده در . مورخك نقطه
نظرندن دخی آثارنده زمانی اعتباریله کرچه بعض
خرافات آمیز نقلیات و افادات و ارسه ده مشهور و مسموعی
اولان بر وقعه یی او زمانك اسلوب ساده سی اوزره
تصویرده مهارتی اولدینی کبی مورخك شائنه لایق
بر صورتده دخی بی طرفانه محاکات و مناقشات
در میان ایتك ایسته دیکی و بو خصوصده دوغرویی
سویله مکدن چکنم دیکی و کنیدی منتسب طریقت
علیه بولوندیغندن بو انتسابدن مقصد حلیه علم
و عرفان یله تزین ذات و صفات ایتك و (تخلقوا باخلاقا)
امر جلیلی هدف الحركات اتخاذا یدره ك اکتساب حسن

مستبان اولمقدمه در . آنجق شهزادگانك ختان جمعیتلری
مصور یازوب تقدیم ایتدیکی (جامع البجور) اسمنده کی
منظومه سی کندیسنی ینه بر خدمت عالییه ایصال ایتدی .
بر آز صوکره (۹۲) یاشنده اولدینی حالده (ارضروم)
وهر سنه مرورنده (بغداد) دفتردار لقلرنده بولوندی .
(۱۰۰۰) تاریخنده یکچیچری کتسابتنده بولونقدن
صوکره دفتردار امینلکنه ارتقا ایتش سده چوق کچمه دن
ینه اسکی خدمت و مرتبه سنه رجعت ایله دی .


(سلطان محمد خان ثالث) ك جلوسنده تقدیم ایتدیکی
قصیده سی مظهر تقدیر اولدیغندن رتبه سی ترفیع ایلدیکی
کی مکافات نقدیه یه ده نائل اولدی . تحریرینی تصمیم
ایتدیکی (کنه الاخبار) ایچون استرحام ایتدیکی (مصر)
دفتردارلغنه رقیلرینك اجرای نفوذیله نائل اولامادیسه ده
بوسبتونده محروم قلمیه رق سنجاق بکلکی رتبه سی
انضمامیله (اماسیه) دفتردارلغنه تعیین اولوندی . درت
سنه ایفای وظائف ایله یوب (جده) یه تحویل .أموریت
ایدهرك محل مذکوره موصلتندن بر آز صوکره

(مالقوج بالی) بکک خدمت کتابتده بولوندی . بو
صیره لرده مجاور دولته ایدیلن محاربه دنا کتساب اولونان
مظفریت صاحب ترجمه قلمیله در دولته عرض و تبشیر
ایدلمشدر . بوائنلارده شیخوختدن ناشی (ایزوورنیق) ده
اختیار اقامت وانزوا ایدن (کنجینه راز) مؤلفی
شاعر مشهور (یحیی) بکک زیارتنه کسیدوب استاد
مشارالیهدن استفاده ایدهرک حسن توجه و خیر دعاسنی
قازاندی . (بوسنه) ده کی وظائفی دلخواه عالی دائره سنده
ایفادن صوکره ایرانله آجیلان محاربه ده (لالا مصطفی
پاشا) نک دیوان افندیکی خدمتمده کی رویت واقندارینه
مکافاة بعدالمحاربه عهدده سنه (حلب) ک تیمار وزعامت
دفتردارلغنی توجیه قلندی . پاشای مشارالیهک (قبریس)
سفرنده دخی معیتنده بولونه رق مسلکندمه کی اقتدار
واستقامتنی مؤیداً اثبات ایتدی . منشأتمده محرر شکایت
آمیز مکاتبتدن اکلاشدیغنی اوزره صدراعظم صوقوللو
(محمد پاشا) ایله (لالا مصطفی پاشا) آره سنده کی اثر اغبرار
دولایسیله (عالی) نک حامیسی بولونان (لالا مصطفی پاشا) نک
وفاتندن صوکره بر آره لاق بی قیمت و بی اعتبار قالدیغنی

مصطفیٰ علی

مصطفیٰ علی بن احمد :

ادبا و مورخین عثمانیہ ایچندہ آئارینک چوقاقنی ،
 افادہ سنک طاتلیغیلہ شہرت بولان بردات اولوب (کلیبولو)
 دندر . منشأئندہ مندرج (۹۹۱) تاریخیلہ مورخ اوتوز
 بشنجی مکتوبندہ ۴۲ یاشنہ واصل اولایغنی ذکر ایتہ سنہ
 نظراً (۹۴۹) تاریخندہ تولدایتدیکی آکلاشیلور (۹)
 یاشندن اعتباراً همشهریسی بولونان افاضل مؤلفین عثمانیہ دن
 (سروری قدیم) ک درسنہ ملازمت و بوکنجینه علم
 و معرفتدن استفادہ یه بذل مقدرت ایله دی که بو تحصیل
 سایه سندہ (۱۶) یاشندہ اولدینی حالده (سلطان سلیم ثانی)
 خضر تلرینه (مهر و ماه) عنوانلی برقصیده تقدیم ایدہ رک
 مظهر التفات شہریاری اولدی . بوالتفات شاهانہ ثمراتندن
 اولق اوزره (لالا مصطفیٰ پاشا) معیتندہ سوریه یه
 عزیمت و برمدت صوکره عودت ایله دی . برقاچ سنہ
 صوکره بوسنه والیدی بولونان ذاتک دیوان افندیکی
 خدمتندہ و بر آره لقدہ (بوسنه) سرحد قوماندانی اولان



سلطاننا الغازی (عبدالحمید خان ثانی) افروز
مضرتدر بنی کمال بمن و مسعرتله اریکه بخمه مزلفت و سلطنت
بیتورسوره آمین .

بروسه لی

۱۷ حزیران ۳۲۱ سلانیک

۴

محمد طاهر بن رفعت



ایترم بونظہ برابر بوقدر جوہ ایضاحات ایہ ہوا یکی ذاتک
 ہریت علمیہ ارینہ بالوہوہ تعین ایراسہ نظریہ باقبلہ مہ معنی
 اک اول کفرم اعتراف ایترم عثمانی مؤلفانہ نہ بعضارینہ
 دائر (قاوس الاعلام) اسمندر کی اثر بنظیردہ محرر
 اولادہ افادات بالاطراف ترقیہ و تعمیق ایرامیکی ہمارہ
 مشارالہہک کائنات علمیہ ارینہ متعلق دھایک جوہ
 تفہیماتک ایرادینہ ازوم کورونہ یکی نظائر ایرامکہ شمدی بہ
 قدر یازدینہم رسائل بوحقیقتی و لوقحاً اولادہ تأیید
 ایرہ بیلیر . اہ الحمد والہ منامی قرۃ قریبہ کلون و مرتب
 بولون دینفی یری فصحاء مشایخ ، علما ، شہر اودبا ،
 مورخین ، اطباء ، ریاضیورہ ، ہجراتیورہ عثمانیہک تراجم احوال
 واسامی مؤلفاتی بین اولادہ (عثمانی ایرباب کمال و متارفی)
 اسمندر کی کتاباتک پیدوار ی او اوہ اوزرہ بودادیرہ دھا
 برقاج رسالہ یازما سی قصر اوامدینورہ عن قریب دینر
 مصراع کلمہ منی الطاف الہیہ نہ تمنی ایرہم .
 ہمارہ جناب جوہ ؛ خلیفہ ہمار فیروز شہر بار غنا نکستہ



DR
438
.9
A6B8

اسماری بورسالتك صوكندره يازيلي اولاده آثار
نايميزانه ملك ارباب دقت و مطالعه طرفلرندره مظهر
اولد قلمري رغبت رائنه سيله بوكسده، تاريخ علومده اثر اربله
ايناي نام ايلديني عثمانلي مؤلفلرندره (عالی) ايله
(کاتب هلبی) بی يازدم . بونلردره برنجیسی السنه يازده
تشریظه مقرر براديب لال اولقله برابر مورخ ، محاسب
اینگیسی ده عالم ، مقفین ، مورخ ، حکیمدر (عالی) نلک
تبرجمه حالتي محروايات طریقهده (هالدر) تاریخندره نقل
ایتریکم کبی مؤلفانه عالم ایضاماتی ده تقیحات نايميزانه م
تخریسی اولدوق درج ایلدم . (کاتب هلبی) به کلنجه
بونلر، تبرجمه حالتي بهمه عیارات ايله درصودلک
(میزانه النیه فی اعتبار الامور) رساله سی نه ایتندره کی کندری
افاده سنی عیناً نقل ایتراک شرطیه یازدیفهم کبی مؤلفانه دالر
اولاده ایضاماتی ده نقل و مطالعه نتیجیسی اولدوق تخریر

Bursalı, Mehmed Tahir

مورخين عثمانیه دن عالی و کاتب چلبی نک

ترجمه حالاری

Müverrihî'n - 1 'Osmanî -
yeden 'Ālî

محرری :

بروسلی محمد طاهر بن رفعت

—

معارف نظارت جلیله سنک ۱۴ تشرین ثانی سنه ۱۳۲۱ تاریخ
و (۱۵۷۴) نومرولی رخصتنامه سیله طبع اولمشدر .

سلانیک « حمیدیہ » مکتب صنایعی . طبعه سنده طبع
اولمش ومنفعتی مکتب مذکوره ترک ایدلشدور

۱۳۲۲

۱۹۰۶

2820

8A/160

مورخين عثمانیه دن عالی و کاتب چاپی نك
ترجمه حالاری

— ۱۵۴۶ —

محرری :
بروسلی محمد طاهر بن رفعت

— ۱۵۴۷ —

دارف نظارت جلیله سنك ۱۴ تشرین ثانی سنه ۳۲۱ تاریخ
(۱۵۷۴) نومرولی رخصتنامه سیله طبع اولمشدر .

سلانیک « حمیدیہ » مکتب صنایعی مطبعه سنده طبع
اولنش ومفتی مکتب مذکورہ ترک ایدلشد .

۱۳۲۲

266

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR	Bursali, Mehmed Tahir
438	Müverrihin-i 'Osmaniyeden
.9	'Ali
A6B8	

